

Mid-Day Dogri News Bulletin

16 Sept. 2025

समां - 12:25 hrs.

<><><><><><>

LG -Jashn-E-Dal

उपराज्यपाल मनोज सिन्हा होरें गलाया ऐ जे जम्मू-कश्मीर पुलस देश दी व्यापक सुरक्षा लेई पूरी तनदेई -ईमानदारी ते सम्पूर्ण कन्नै कम्म करा रदी ऐ। एल.जी होरें एह गल्ल श्रीनगर डल झील च जम्मू-कश्मीर पुलस आस्सेया आयोजित पानी दी खेड्डें सरबन्धी कार्यक्रम “जशन-ए-डल” दे समापन समारोह गी सम्बोधत करदे होई आखी। एल.जी होरें इस दौरान जम्मू-कश्मीर पुलस गी राष्ट्र निर्माण कन्नू-व्यवस्था बनाई रखने-लोकें दी सुरक्षा गी यकीनी बनाने ते आतंकवाद दे खात्मे आहली पेठा जत्ने लेई मुबारखबाद दिती। DGP Nalin Pabhat हुंदे सनें पुलस ते सिविल प्रशासन दे वरिष्ठ अधिकारी बी इस समारोह च शामिल होए। 13 सितम्बर गी इस समारोह दी शुरुआत ही।

<><><><><><>

CM Techknow

मुख्यमंत्री उमर अब्दुल्ला होरें गलाया ऐ जे एह उन्दे प्रशासन दी जिम्मेवारी बनदी ऐ जे इस गल्ला गी यकीनी बनाया जा, जे सरकारी स्कूलें च पढ़ने आहलें विद्यार्थियें गी निजी स्कूलें च पढ़ने आहले विद्यार्थियें आहला लेखा, सारियां सहूलतां ते मौके हासिल होई सकन। कल

श्रीनगर दे इक निजी स्कूल आसेया आयोजित Techknow 2025 कार्यक्रम दे समापन समारोह
गी सम्बोधत करदे होई मुखमंत्रि होरें आखेया जे एह साहड़ी जिम्मेदारी ऐ- जे अस इस
गल्ला गी यकीनी बनाचे जे सरकारी स्कूलें च पढ़ने आहले विद्यार्थी न छड़े पूरे मुख्य दे
विद्यार्थियें कन्नै सगुआं दुनिया भर दे विद्यार्थियें कन्नै मुकाबलेबाजी करी सकन। उनें
विद्यार्थियें दे कौशल दी सराहना कीती ते सरकार दी -विद्यार्थियें गी आधुनिक सिखलाई-
मसनूई ज्ञान ते नमियां काहड़ा कड़ने सरबन्धी देने प्रति वचनबद्धता गी फही पक्का कीता।

<><><><><><>

Seva Parv—India Climate Champion

सेवा ते सुशासन दे मूलमंत्र पर आधारित केन्द्र सरकार तरक्की ते सकारात्मक बदलाव आनने
लेई लगातार जतन करा रदी ऐ। प्रधानमंत्री नरेन्द्र मोदी हुन्दी अगुवाई च मुख्य लगातार
सकारात्मक बदलाव होआ रदे न मुख्य विकास बाद्दे दी बता पर अगड़ा बदा र दा ऐ। मुख्य
भरै च शुरु “सेवा पर्व” सरबन्धी इस श्रृंखला तैहत अज्ज अस गल्ल करगे भारत दे जलवायू
बदलाव आहली भेठा बददे जतनें दी। पिछले 11 बरें च भारत नै सौर-उर्जा-आहली पेठा बड़ा
मता कम्म कीता ऐ मुख्य विकास लगातार ते टिकाऊ जतनें राए अगगे बदा र दा ऐ ओह बी
जलवायू बदलाव दे स्हाबै। इस विकासशील मुख्य थवा जलवायू बदलाव आहली पेठा लगातार
कीते जा रदे जतनें तैहत भारत इक शक्ति बनिए उबरा रदा ऐ।

<><><><><><>

CM Engineer’s Day

मुख्यमंत्री उमर अब्दुल्ला होंरें जम्मू-कश्मीर च बिजली दी कमी गी पूरा करने ते जम्मू-कश्मीर दी अर्थव्यवस्था गी मजबूत बनाने लेई पन-बिजली समर्थ उप्पर ध्यान केन्द्रित करने उप्पर जोर पाया ऐ। शेर-ए-कश्मीर अंतराष्ट्रीय कन्वेंशन सैंटर च आयोजत 58में इंजीनियर दिवस दे मौके कट्ठ गी सम्बोधत करदे होई मुख्यमंत्री होंरें गलाया जे बिजली दी पैदावार ते सेई तरीके दी बंड कन्नै जम्मू-कश्मीर दा आर्थिक विकास मुमकन होग। इंजीनियर दिवस दा आयोजन मुख्यै च हर बरे 13 सितम्बर गी भारत रत्न Sir M. विश्ववेश्वराय हुंदे आस्सेआ इस क्षेत्र च दिते गेदे अनमूले योगदान प्रति आभार प्रगट करने लेई उन्दी जयंति दे मौके उप्पर कीता जंदा ऐ।

<><><><><><>

Dy. CM Engineers Day

उपमुख्यमंत्री Surinder Choudhary होंरें कल Institution of Engineers Jammu मुकामी केन्द्र च आयोजत 58में इंजीनियर दिवस दे कार्यक्रम गी सम्बोधत कीता। इस मौके उप्पर बोलदे होई उपमुख्यमंत्री होंरें सभ्भनै इंजीनियरें ते तकनीकी माहिरें गी देश दे बाद्धे विकास दे कम्मा च अपना बेहतरी प्रदर्शन करने लेई आखेआ।

<><><><><><>

GST Reforms

वस्तु ते सेवा कर दियें दरें च हाल च कीती गेदी कटौती दी घोषणा दा सभ्भनै सोआगत कीता ऐ। जम्मू-कश्मीर दे लोकें बी इस फैसले दा सुआगत कीता ते इसी आम आदमी लेई बड्डी

राहत आहला करार दिता। प्रधानमंत्री नरेन्द्र मोदी होरें स्वतंत्रता दिवस दे मौके पर इनें सुधारें दी घोषणा कीती ते GST परिषद दी बैठक नै इसी 3 सितम्बर गी मंजूरी दिती। इनें सुधारें तैहत Tax Slabs गी सखल्ला बनाया गया ऐ ते खास करी ध्यान जरूरी चीजें बस्ते आहले सैक्टर पर दिता गया ऐ। राई-बाई आहले सैक्टर च कीते गेदे सुधारे कन्नै करसानें गी लाह होग ते 18 सौ CC थवां घट्ट आहले ट्रैक्टर पर हुन 12 फीसद दे बजाए 5 फीसद टैक्स लग्गोग। Tyres, Tubes, Hydraulic Pumps पर हुन 5 फीसद टैक्स लग्गोग, जेड़ा पैहले 18 फीसद दी सलैब च हे।

<><><><><><>

NHAI

उधमपुर दियें डिप्टी कमीशनर सलोनी राय हुंदी हिदायतें मुजब राजस्व सरबंधी टीम Thard Bali थाहर पुज्जी। NHAI Project Director ते Site Engineer बी मौके पर पुज्जे ते दुई ट्यूब दे कम्मै दी शुरुआत करवाई। इस मौके मुकामी लोकें अपने घरें दी सुरक्षा बारे बी सोआगल पुच्छे जिन्दा मौके पर निपटारा कीता गया।

<><><><><><>